



Broj: 02-05-2-989  
Goražde, 09.04.2018.godine

Na osnovu člana 64. stav 1. tačka b), člana 70. st. 1, 3. i 6. Zakona o javnim nabavkama („Sl. glasnik BiH“, broj 39/14), člana 85. Statuta Općine Goražde („Službene novine Bosansko-podrinjskog kantona Goražde“, broj: 13/07), na preporuku nadležne komisije, u postupku javne nabavke novog putničkog terenskog motornog vozila za potrebe Civilne zaštite Grada Goražda, Gradonačelnik Goražda donosi :

### **ODLUKU** o izboru najpovoljnijeg ponuđača

#### **Član 1.**

Prihvata se preporuka nadležne Komisije i Ugovor o nabavci i isporuci novog putničkog terenskog motornog vozila za potrebe Civilne zaštite Grada Goražda, dodjeljuje se izabranom ponuđaču PORSCHE BH d.o.o. Sarajevo, ponuda broj: 44315-041158 od 19.03.2018. godine, za ponudenu cijenu u iznosu od 46.153,85 KM bez PDV-a, kao najpovoljnijem ponuđaču.

#### **Član 2.**

Prijedlog Ugovora dostavit će se na potpis izabranom ponuđaču najkasnije u roku od 10 dana, računajući od dana okončanja postupka javne nabavke.

#### **Član 3.**

U skladu sa članom 70 stav 6. odluka će se objaviti na web-stranici Grada Goražda istovremeno s upućivanjem ponuđačima koji su učestvovali u postupku javne nabavke.

#### **Član 4.**

Za izvršenje ove odluke zadužuje se i ovlašćuje nadležna komisija.

### **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 02-05-2-989 od 09.03.2018.godine.

Javna nabavka je provedena putem konkurentskog postupka javne nabavke.

Obavještenje o nabavci broj: 413-7-1-10-3-10/18 objavljeno na portalu Agencije za javne nabavke dana 12.03.2018.godine, istovremeno je objavljena i tenderska dokumentacija u sistemu e-nabavke.

Procijenjena vrijednost javne nabavke bez PDV-a iznosi 47.000,00 KM.

Komisija za predmetnu nabavku imenovana je Rješenjem Gradonačelnika broj: 02-05-2-427/18 od 31.01.2018.godine.

Komisija je dana 02.04.2018.godine dostavila Zapisnik o pregledu i ocjeni ponuda uz preporuku o izboru najpovoljnijeg ponuđača, koji ujedno predstavlja Izvještaj o radu komisije.

U postupku prema Zapisniku o pregledu i ocjeni ponuda je utvrđeno, da je Komisija blagovremeno i pravilno izvršila otvaranje i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljena jedna ponuda;
- da je blagovremeno primljena jedna ponuda;
- da nije bilo neblagovremeno primljenih ponuda;
- da je ponuda ponuđača PORSCHE BH d.o.o. Sarajevo prihvatljiva.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za predmetnu javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim, internim aktima i tenderskom dokumentacijom.

Uvidom u priloženu dokumentaciju, nesporno je da je ponuđač PORSCHE BH d.o.o. Sarajevo izabran kao najpovoljniji, primjenjujući kriterij najniža cijena tehnički zadovoljavajuće ponude, koja je ponuđena u iznosu od 46.153,85 KM.

Iz navedenih razloga, primjenom člana 64. stava 1. tačka b), člana 70. stav 1, 3. i 6. Zakona o javnim nabavkama („Sl. glasnik BiH“, broj 39/14) i člana 8. stav 2. tačka d). Pravilnika o uspostavljanju i radu komisije za nabavke, odlučeno je kao u dispozitivu.

#### **POUKA O PRAVNOM LIJEKU**

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Žalba se izjavljuje Uredu za razmatranje žalbi Bosne i Hercegovine, putem Ugovorenog organa, kao prvostepenog organa i to na način propisan odredbama člana 99. Zakona o javnim nabavkama

Ugovorni organ će postupiti po žalbi na način propisan odredbama člana 100. Zakona o javnim nabavkama.

#### **DOSTAVITI:**

1. Ponuđaču,
2. u dosije,
3. a/a



**GRADONAČELNIK**

dr.sci. Muhamed Ramović